


安岳縣志

卷之一



新修樂安西縣志序



天下有志一國者志不一毫  
者志豈徒揆藻擢華為粉飾  
乎之故事哉良以一隅雖小  
為職方所不遺而專筆從詳  
補金書所遺畧繼獻考文信

傳後者於是乎在果安兩縣古  
為魯州隸蜀地陞控攝東西  
劇南真區其可使邑棄不具  
以澄陸而程來茲前之良牧  
聞經理及此者以兩城一宰  
未分治佐理並無屬員兼司且

有學務凋弊之餘撫循最急  
缺之事創始為難日汲汲救  
補偏之不足不遑以何暇按  
逸事訪舊聞走卒雖而勤纂  
輯哉歲辛卯余由三棚教授  
量移茲宰涖任之日縣志無  
籍不勝懸想神

傷者為此地嘆荒涼又不勝勅  
諭念切形為此地足文獻忠  
於遠行輯治則仍第之不可善  
土滿則招徠難緩野蓋則勸墾  
宜先結新民莫辨頑良招徠即  
易深契豪強或為侵佔勸墾遠

以生奸况水火待拯瘡痍未  
官派雖無一擾私竇却有千端  
余力行釐剔與民更始區分畧  
判馬路將通田間晝斷宵禁心  
血幾枯桑上育秀良于新墾  
強板于遠鄉措置故憚勤勞

真因稽歲月六載于茲日多事  
暑令幸治具粗張百廢漸振以  
稀盜息年豐歲稔教化稍行余  
不禁躍然曰是去之修時可舉  
矣是時安邑孝羞文居周君余  
延為義師七月四載學博品高

素所敬服因以纂修之事托之  
余亦因是之暇亦時加校正工  
是年秋鐘表明始是書之成  
約計尚須三年以一匠特刊不  
無時日之需嗚呼遲暮迂儒謬  
看百里之寄偷閒拙筆敢希一

字之衰第以殘疆一綫之文獻  
為不自今日傳為有黜黜山名  
漸破沒而難考鴻文仙蹟且淪  
為以無徵後之君子留心舊章  
者大息痛恨于考籍之莫按者  
是則余所大慰也是為序

省

康熙五十五年歲次丙申嘉平  
既望

知樂安兩縣事三泐仁和  
鄭吉士撰

序

余承乏合州赴省必由安岳及  
樂至後署雅州往來頻々習見  
其風俗淳厚人民質樸雖巖谷  
深峻而土田皆備男耕女織時  
聞書聲過其市貿遷公平不事

欺詐私心愛義者久之戊戌鎖  
印後奉檄署其地己亥仲春至  
安岳接篆事晤前令西谿鄭公  
深以在任八年獨邑志未竣事  
為愧、余心領之隨以舉行義  
學晤孝廉仙山周君於城南書

合得披爾刊志帙出得目志  
俗之美土產之饒疆宇之濶科  
甲之多人物之盛忠孝節烈之  
光昭藝文詞采之雋麗乃益嘆  
殘疆之文獻可徵者其盛如此  
宜鄭公歎歎悼惜於邑志之未



竣也余踵其事首令修輯即欲  
附一言於後以官政叢冗未暇  
也繼而有蓉城及梓州之行四  
署席未煖而委署中江之檄又  
至矣嗚乎余以迂拙書生膺七  
郡民社之重寄上下問關十餘

里耶乾々惕若勵精不懈猶慮  
統攝或踈撫綏未至無以適民  
情而光報稱又何暇濡墨揮毫  
沉思綴巧從容於文字間思以  
飾吏治而重簡編哉雖然盛事  
不常而成終匪易兩邑志鄭公

既開其先余亦樂踵其後而默  
以無一言以辱簡端殊非鄭公  
所厚望於余之意亦非余繼鄭  
公以俟後之君子之意也曰棄  
間走筆略述梗槩凡以成前美  
而待將來也云爾而言之不文

豈所諱也哉

皆

康熙五十八年歲次己亥季春  
哉明日

署樂至縣兼攝安岳縣知合  
州事桐城姚孔鏞書於安署

挹翠軒

修樂安兩縣志序

西泠鄭有章先子為兩普

宰刊邑志未竣告休而去

予同鄉姚祝如以合州令

署邑篆續梓之亦未竣而

予受事矣予讀兩公序未

嘗不歎服其為西邑存久  
湮之文獻其心最苦而其  
功最鉅也予才力雖遠遜  
兩公而奉

天子命出任百里所當勤  
為萬姓造無疆之福為

百世留不朽之功乃即此  
殘疆之紀載創其始者有  
人踵而行者有人而予願  
視若弁髦弗能拮据于後  
以成之鯁職素餐莫此為  
甚予心能勿滋愆乎况文

章政事相為表裏而興衰  
舉廢又有司之職所應然  
予郎不敢掠兩公之美以  
飾吏治又何敢聽兩公之  
功以玷吏治哉於是具梨  
棗投廩食命開雕以從事

也其彙編之任原屬邑孝  
廉周仙山蓋以其學邃識  
高大有史才兩邑中無出  
其右者且近為義學師得  
以蚤夜商酌修繁飾簡期  
於盡善此皆前令已定之

規模予得因而行之用力  
少而成功多亦快事也為  
序數言以載之簡端

告

康熙五十八年歲在己亥  
長至既望

賜

進士文林郎知樂至縣兼  
攝安岳縣事秋浦程璲書  
於安署看竹亭

修樂安兩縣志序

普州與東渝接壤余耳稔其  
俗羨民淳風最近古私心識  
之不能忘而恨未之見也庚  
子季秋余攝普篆得見土俗  
民風與所聞脗合及索邑志

觀之讀前令西泠鄭有章前  
署令桐山姚祝如前令秋浦  
程省齋序悉其纂輯婆心縱  
觀全文紀載嚴密有紫陽遺  
意而風俗所載又與今日脗  
合先進人文之盛尤冠三巴

不禁歎服於此志之修有益  
此地不小宜有章創其始祝  
如省齋踵其後皆有鴻文以  
光簡端也但志帙未成而停  
梓已久余欲重董其事隨奉  
憲檄調軍前凡七閱月未及



料理辛丑孟夏余旋署亟命  
續刊工復自蒲月旣望始益  
不忍負前三令修輯美意聊  
紹其事以俟後之君子也嗟  
嗟余年未三十蚤親吏事闡  
外行間不時調遣非馳驅於

國事卽鞅掌于簿書宵旰勞勞  
歲無寧晷硯田事業久愧荒  
踈而瞻茲煌煌信史文采纘  
紛見獵心喜又不甘爲默默  
以辱前賢也因於聽政之暇  
略出教言以附之後

峯



康熙六十年歲在辛丑天中  
月既望

渝郡通判攝樂安篆事三

韓馬世藻書于安署挹翠

軒

縣治圖



安岳縣志原序

志何容易哉志信物也信於獨可監揭於昭信於同可垂鑒於永宣父以闕文不病於無徵而病徵之不足以示信知志何容易哉予賦椎魯而寡緣飾常抱所自信者以獵進取乃輒進而輒蹶稍緣飾其所自信者又屢進而屢蹶夫飾而進與不飾而進其不信於主者等躐耳造物弄人于飾奚當焉益闇然埋首不敢裂生平為媒餌已而家困上春官得縮符百里未幾補知今岳途說者咸謂蜀固仕國亦為仕

難狙詐橫亂風始自北矧今岳哉以子推魯之身當  
之則百不勝以子三進三蹶之身當之又千萬不勝  
彼其言若真可信哉及入其疆則葱蘢烟甸矣接其  
人則渾樸太初矣視其學則彬彬階序矣行其政則  
喁喁新聽矣予異之夫人情豈相遠哉何用耳用目  
者之相什伯也用是不敢以人言為信益矢恣其生  
平推魯之心以昭信於民毫杪緣飾弗敢作焉以故  
信于堂簾則塵案清城社塞信于閭里則逋征辦刑  
訟省信于揆文則雅化飭競噪恬信于守法則積習

祛風俗易蓋予豈異人任哉予以推魯之心似與仕  
之緣飾者別而今日信我推魯之民又似與昔信緣  
飾之民別誰謂民真狙詐橫亂而不可以一自信之  
治之之也予政今已兩易裘葛媿之寸長以俾之于  
岳然區區推魯之心信于民猶不忍忘于民諸所不  
便悉調之行弗如願則俟之偶暇與諸生操觚博士  
家業中咸以邑廢志請予愬然曰志何容易哉予自  
信其生平推魯之心信于民安能信于後之民况岳  
循紀榮籍必有彪炳燿燦四甍岳土者在安知其取

信于民者非我若乎書有云當于民監以監在民則  
已信監在今之民則後信以心信心千古符契無庸  
書矣竟辭弗獲爰舉廢志所載調其利弊而葺飭之  
使知予推魯之心可以信于民後人之心可以信于  
我毋令途說之夫持狙詐橫亂之說為衣冠文物之  
邦一疵垢也此筆書意也若曰是志也成于多士之  
博采訂于先達之定論予得仰藉而踵成之真邑中  
之信書乎當自有洞民之隻眼在噫志何容易哉昔  
萬曆戊申秋孟知縣卓滇西陽人李奇英涵萬甫書

安岳縣志原序

安岳蓋梓州之巖邑也往歲己丑予以衡文入蜀辛  
卯春校士梓州則安岳之人文既品而閱之矣又以  
有事川東取次征行則安岳之山川亦既覽而觀之  
矣然尸祝不越俎而談其於疆域戶口征賦夫里裒  
益之詳宦籍選舉民風節行之槩尚未之及也後十  
有七年丁未予復叨冒嘉陵梓州乃在轄中越歲戊  
申奉兩臺檄磨勘庾藏諸公事躬抵安岳乃獲盡觀  
戶口征賦夫里諸件其利害裒益之故損益之宜可

信于民者非我若乎書有云當于民監以監在民則  
已信監在今之民則後信以心信心千古符契無庸  
書矣竟辭弗獲爰舉廢志所載調其利弊而葺飭之  
使知予推魯之心可以信于民後人之心可以信于  
我毋令途說之夫持狙詐橫亂之說為衣冠文物之  
邦一疵垢也此筆書意也若曰是志也成于多士之  
博采訂于先達之定論予得仰藉而踵成之真邑中  
之信書乎當自有洞民之隻眼在噫志何容易哉皆  
萬曆戊申秋孟知縣事滇西陽人李奇英涵萬甫書

安岳縣志原序

安岳蓋梓州之巖邑也往歲己丑予以衡文入蜀辛  
卯春校士梓州則安岳之人文既品而閱之矣又以  
有事川東取次征行則安岳之山川亦既覽而觀之  
矣然尸祝不越俎而談其於疆域戶口征賦夫里裒  
益之詳宦籍選舉民風節行之槩尚未之及也後十  
有七年丁未予復叨冒嘉陵梓州乃在轄中越歲戊  
申奉兩臺檄磨勘庾藏諸公事躬抵安岳乃獲盡觀  
戶口征賦夫里諸件其利害裒益之故損益之宜可

得縷指而具陳之事竣諸生康紹祖等携一冊送覽  
蓋安岳縣志也前此雖具其槩而草創未備李令君  
條列其利弊而整飭之詎惟網舉目張實乃政通民  
洽釐然成一邑大觀矣為之閱疆域則延袤周迴何  
啻五百餘里抑何廣也為之閱戶口宋末屢遭兵火  
民無孑遺延祐以還僅流寓者七十餘家迄於至正  
亦止編戶八百自我朝平定安集之後稍有寧居休  
養生息生齒日繁今且戶二千四百有奇口七萬三  
千有奇林之摠之比屋可封是夫子之所歎於適衛

者也為之閱田糧國初一千一百四十九頃有奇今  
丈二千九百四十三頃有奇昔也荒蕪今也地不改  
辟無遺利矣為之閱征賦則存留有紀起運有紀徭  
編力差有紀夫馬兵役有紀所以取之於民者有定  
數無煩征亦且樂輸而鮮逋負之誅矣為之閱宦籍  
則善敗可徵卓魯時有勸戒備矣為之閱選舉則八  
文赫奕宋代著稱今以父子兄弟並捷文場者不乏  
也菁莪樂育於是為盛矣為之閱節行則忠義孝行  
昭映簡編而以節烈著者又復聯芳閭閻是觀風採



俗者之所喜聞而樂道也關雎麟趾自昔重之觀止  
 矣其他如方伎之流詞章之末吾不欲觀之矣嗟  
 陳說往牒以示將來紀載者之事也興除利弊以垂  
 永賴司牧者之職也予觀岳邑城垣僅三百八十  
 餘丈所謂三里之城非耶而二堡環亘於西南五街  
 周圍於四護至於鄉場市鎮何啻密布星羅撫后虐  
 警間不容髮為司牧者誠能保如赤子而置之衽席  
 之間有不鳴、傾心嚮化者非夫也令君雅抱不羣  
 留心民瘼諸所建白如清浮糧減賠課條採木之弘

議申造士之新規種、良因具可稱述昔太史傳循  
 良而要之奉法循理有味乎其言之也如令君真其  
 人哉語云言之無文行之不遠非夫敲金戛玉刻羽  
 流商燁然而有文采之謂也謂夫言而無徵何裨實  
 用索充腸於畫餅求識途於矇師非其質矣令君言  
 以足志、以成文徵往俟來於是乎在志可也志可  
 也皆

萬曆戊申夏五北道主人前督學使者鄣郡方萬山  
 書

安岳縣志原序

安岳志凡再易稿經今七十載繁蕪失當識者慨焉  
 萬曆丁未會李大夫以邃學宏才來令吾邑拮据溝  
 瘠興振人文甫二歲餘風還士美覽秀江山馳情往  
 詰得所為杰士名鄉後先相望者二百有奇懼其名  
 湮沒也於暇大搜載籍咨訪故老參以近事幣徵庠  
 中嫻文辭者主其事再閱月而志成乃命吉言付之  
 簡末予竊惟古者列國各有史以記事漢興司馬氏  
 鳴於西班固鳴於東俱能不穢不俚成一家言以昭

示不窮卯金之不決由此而二氏亦緣以作史家祭  
酒都哉今之邑志蓋其遺意云當今縮綬者惟錢穀  
刑政是急若此紀載往々髦弁而孰知黔首財泉之  
所關也師帥文獻之所摠也世道升降風俗汙隆之  
所衡也司社者若何念不經涉耶我大夫恢弘治理  
加志邑乘今讀其中歲為增者其戶口迭為出者其  
人才精忠備伐種々可標者為名宦為鄉賢而孝義  
貞烈更足老乾坤照日月直今披帙者神為聳心為  
慕省躬惕志愆所當務其裨益不既多乎昔呂東萊

作大事記獨以邑志為子丑蓋謂其事典墨真無留  
魯豕也岳之紀載固繁人文為重夫以穉丸小邑由  
宋迄今或父子並美伯仲相妍祖孫輝映史冊者若  
鱗貝然而數百禩宇宙緣以棟梁山川草木緣以噴  
采英俊生百世之下尚能激烈倣倣立臻盛美邑不  
因之生色哉語云里名勝母曾子不入邑號朝歌墨  
子迴車輿地所係重輕固在此不在彼吾黨吸春風  
荷陶鑄者其同為磨淬為猛進務使上媚天子下媚  
庶人百世而後愈曰某岳產也某々李大夫之所造

就而激發者也庶此志永為信書而汗青可以無玷  
若大夫之筮仕好修愛民好士政在口碑未易殫述  
有成時獻最帝庭計必有握金管大書特書垂不朽  
者予鉛槧流烏足掄揚萬一敢附野史之義用詔來  
者皆

萬曆三十六年八月既望知貴州鎮寧州事邑人正  
軒李蒙吉書

安岳縣志原序

蜀摠志筆自撫臺東阜劉公升菴方洲二太史與裁  
核焉岳志則學博楊君編之今且七袞於此事畧簡  
荒理勢應爾李君以滇西名傑委裘岳土視政三載  
日省惟勤春嗟物茁土斑采多文章民朴而善廟祀  
之載典禮者無不振舉憲令班制之屬皆已整頓天  
喬嚙喙之育百里者無不壘若公餘搜討乃慨然曰  
岳邀皇靈少治安邑史尚多缺略胡以鑿徃程來用  
是親授指于臯曰某々其置逸也某々其增入也某

其其鉅綱也其其瑣略也且幣徵門生康紹祖徐慎陶允黃承曾肩其事臯以散材辭不獲偕四生博採而精括之考據者錄關鍵者錄一切論斷筆削請裁李君已意毫無與焉越三月就草文宗方以蒙蔭至閩而喜曰盛乎是舉固宜世世璧也余如岳境土治禾稠望其間烟火如篋視其學宮衣帶儀度有蘇湖風眼底境界邑中造化已不盡收矣更復有奇觀耶躬繩削訂訛承兼操墨顏之首李君持付梓人以臯無能命以貂續夫臯何以料天尺哉幸辱鑄冶

日有開蓋為律度為準繩李君胸次自具一圖史蚤揭一典程若此紀之天樞地軸人物興衰政令繁簡得失種々具足乃其實際抒為外際自足以踵前哲示采許光汗牘而耀無窮者言其贅龐哉人世不朽之業惟德惟言而德非言不利遠志以是含非以勸寓懲一披閱而忠良者激氣悖德者汗顏後之師帥此土者以君之遺編倣君之建置其欲更為軼軌也不能欲為摹稜也不能欲不努力以羞直筆也不能此一志也其作範岳人者不域而造福岳土者能計

量耶臯職守籍府無能揚確鴻烈乃炙美盛開蒙翳  
若睹且喜附青雲駿聲施也勉為之說昔

萬曆三十六年秋孟安岳縣儒學教諭南充侯九舉

書

校纂舊志姓氏

于尚禮

楊寅

劉仁

石山

採輯姓氏

雲庄楊氏

陝西褒城知縣

正軒李氏

蒙古貴州鎮寧知州

相軒戴氏

翰林禮科給事

卓庵郭氏

雲南鶴慶訓導

玉屏王氏

啟敬達州訓導

仁齋張氏

湖廣零陵訓導

懷鍾程氏

世美

前川李氏

川瑞

李氏

月生

琴崗于氏

三謨

少坪嚴氏

斗貢生

秉垣

月亭楊氏

一桂廩生

德芳

吉軒但氏崇德廩生

履一中軒蔡氏可學廩生

宗權

憶鍾程氏世夔廩生

西銘鳳岳范氏月第舉人汝寧府判

訂吾張氏西銘廩生

見崑丁氏王遂廩生世珍

時偕竇氏可進廩生

義游和字黃氏承中廩生泰父

唐軒黃氏思堯廩生

惟欽用我李氏有成舉人行可

光宇李氏之桂廩生

毓天儉庵黃氏思禹廩生惟勤

直垣陶氏似侃廩生

心從縉雲黃氏思烈舉人惟競

校纂姓氏

六庵康氏紹祖廩生

順甫德宇徐氏慎廩生

用修

升寰陶氏廩生

衷赤貞吾黃氏承曾廩生

惟一

編裁姓氏

鶴庵侯氏九臯廩生

邦鳴南充人本學教諭

桂台陸氏貞吉廩生

孔修貴州龍里衛人本縣之丞

太完李氏奇英廩生

涵萬雲南蒙化府人本縣知縣

普刊姓氏

懷珍張氏書紳廩生

仕行福建晉江縣人本縣主簿

雲山譚氏善繼廩生

廣西宜山縣人本縣典史

採集

一統志

華陽國志

歷代會典

爾雅

唐史

宋史

通鑑綱目

宋名臣言行錄

文獻通考

翰墨全書

方輿勝覽

大學衍義補

古今詩刻

經世宏詞

古今碑誌

歷朝捷錄

允例

一蜀省總志成于康熙九年庚戌潼屬全志成于

康熙二十六年丁卯皆出自宿學鴻儒之裁訂

其體制一以

本朝一統志為準繩又以秦省總志為參酌故能簡

而該詳而核奉為拱壁者已歷有年所矣今安

樂兩志雖屬創始然皆祖述一統志蜀省總志

潼屬全志之意而纂集之亦惟求簡不失漏詳

不失穢聊為殘疆備文獻也云爾



一志為信史不徒以藻繪為工倘採稗說于無稽滋疑案于後世雖粉飾可觀亦奚足取茲集遠必考稽有據近必見聞甚確者方敢載入稍有未信寧刪去斷不敢撫拾荒唐援引怪誕謠以傳譌為後世所共唾也

一安岳志猶有舊本係明萬曆三十六年所毀者但簡斷篇殘有甲無乙然遺珠可珍則王當借茲集凡遇舊志脫落者必註明某處失業某處缺漏以俟將來參考半文隻字不敢輕為抹却

致負前賢著作苦心也

一樂至舊志遍覓無存前代事迹甚恨闕略今搜蜀省摠志潼屬全志所載與古蹟可考父老所傳者悉為錄入蓋存什一于千百以當夏鼎商彝之觀耳其

本朝事寧詳毋略然有與安岳事同而已載安志者則第于事類下註曰已載安志或註與安岳同不敢贅也

一文武兩序為人才出身之始萃山川之秀靈儲

廊廟之柱石彪炳莫此為盛而蜀省總志  
潼屬全志未見錄入者非輕之以其繁耳一邑  
志篇帙幾何竟略而不載似為闕典茲集備錄  
之庶學校成師濟之觀彙征協連茹之象于振  
興文教之意或亦不無小補云

一安樂兩縣古共為普州隸鄉二十有六明成化  
二年始分二十鄉屬安岳六鄉屬樂至

本朝設官係樂至縣兼攝安岳縣兩志編輯先後似  
宜依此為例但查蜀省總志及潼屬全志各事

類中皆先安後樂又查文武兩闈點名歲科兩  
試榜案皆先安後樂茲集先載安岳後載樂至  
蓋亦確遵舊規非敢任意撓越也

一士品高卑足覘風俗之汙隆且閔世運之升降  
匪細故也普地僻在梓州之末雖係巖疆然古  
稱石秀俗頗淳樸冠帶之士可並西省自經兵  
劫之創洗加以凶荒之摧殘烟火一空人文遂  
盡幸我

朝定鼎景運方升疊荷

仁憲之撫綏歷蒙

賢宰之培育以故人知自愛爭勵清操劣行敗德  
不玷膠庠矣然其中尤有學醇品粹卓卓有聲  
者必彙名人物詳紀實行以為世道人心勸焉  
一兵燹後世局既變滄桑事蹟多隨灰燼然興復  
實可有待則名號豈容頓湮况我

朝泰運弘開日新月盛舉廢興哀立可完美故凡先  
蹟遺蹤成規舊制不特已見興復與現行經理  
者從詳臚列即虛名故事猶可稽考者亦概錄

不刪以備復古者之採資

一樂安兩邑

初皆歸併蓬溪故田糧起科一依蓬例遵行已久  
然明時舊額猶有可考者亦錄之以備將來之  
參酌

一忠孝節烈自應以

題請旌表者為定然所收太嚴恐失激勸之意茲  
集于輿論所共服內外無間言者亦紀其行實  
本末以為旌表之先聲

一異類禎祥志所備載而高年人瑞未見錄入似為闕典我

皇上加意養老肉帛所給以年為差旌表坊銀與進士等其願養冲和珍重耄耋者至矣盡矣茲集特增老人一項蓋以表

聖天子養老之善政古今未有且以見大德必壽可為修德者勸耳

一凡書之有補遺非真忘失也蓋彙輯已定繕刻已周而偶獲遺珠不忍棄舍正編雖難挽入而

冊不猶塔補載耳茲集各事類中有編定付刊後採訪新至者亦載補遺中亦竊做書林之舊則而行之非創也

一明末兵荒惟蜀獨蚤

本朝平定惟蜀較遲中間涸濁沉淪者大約四十餘年其中寧無子孝臣忠夫義妻烈甘鼎鑊以如飴就兵戈而不悔植歲寒之晚節留正氣於人間者乎惜屠戮既慘文獻隨空致令貞魂義魄徒與劫運同灰燼可勝慨哉今力為蒐訪略得

一二如張御史之請纓報國實進士之罵賊全忠急詳錄之庶潛德頓發幽光猶可為殘疆生色耳

一志體各事類中皆以年代為次第先錄前代即載

國朝不惟無凌躡之疵抑亦省繙閱之苦似無容變易成規及滋紛擾第普邑自經兵燹典籍既多散佚老成又盡凋謝故古今事蹟採訪維艱彙集匪易而

邑侯鄭公天性敏決見義必為二十一年重九日與邑紳士謀刊此書立下訪求之示禮請纂修之人仁不揣謏陋安應命董其事次月朞明即始工刻不容停採報收錄一時萬難兼備故先將安志舊本斟酌付刊彙為元亨二卷

國朝安事彙為利卷案事聯絡古今彙為貞卷是兩邑體格不孚非敢逞臆乖張勢使然也

一校讎不清則字畫一有舛譌文理必致乖謬焉烏成焉自古患之是集反覆翻閱磨勘的當方

付剗劓魯魚亥豕之誚吾知免矣

文居後學周于仁謹識

安岳縣志卷之一

沿革

人皇氏置九州梁居一岳界梁之東

禹會諸侯巴蜀皆往

周成奉王職第山川嶮巇棧道路塞不與春秋會盟

秦為巴蜀二郡地

漢置犍為郡為益州之部

三國為蜀地

梁置普慈郡

後周改普州治安岳多葉一縣又廢普州為安岳多

唐復普州分資陽為安岳普康安居普慈四縣又置

五代為借國地樂至崇龕二縣俱屬劍南道後又改為安岳郡

宋復置普州治安岳安居樂至普慈隸潼川路宋末

元至正四年復置安岳縣統八鄉並樂至安居入焉

明復置普州領安岳尋併州入縣仍隸潼川府屬川

郡名東普

邑名普慈岳陽

大清縣如舊與樂至共一篆故有兼攝之名仍隸潼

按明洪武初以樂至石羊併入普州洪武九年改  
潼川為州普州為安岳縣屬鄉二十有六成化二  
年分六鄉為樂至並屬潼川古安岳縣治在今之  
岳陽古崇龕縣在今之古龕寺古多葉縣治在今  
之茗山鎮古石羊縣治在今之石  
羊鎮古普康縣治在今之普康鎮

分野

河圖括地象岷山之下為井絡井絡即鶻首安岳井

保章氏二十八宿屬嘴參

周禮十二次舍屬實沈之次

漢書巴蜀分井鬼柳

魏太史巴蜀參

晉書次 犍為入參三度安岳古屬益州之犍為居參之

隋書 紫微垣北斗璣星主梁

唐書 劍南道分井鬼

宋史 天市垣西垣第三星主梁

天文麗屬北斗間一星主梁州

三台 中台上星主梁雍

天文占候 太白主畢嘴鎮星主井五車鄉星狼狐星

山川

鳳凰山 枕縣脉突兀百仞又名鐵峯

龍泉山 西自鐵峯南自內江二支會合騰躍若龍諸峯環繞山曲如几麓有泉如注學宮在焉

東林山 治正北一里

雲臺山 一峯突起如雲在龍泉之右

文魁山 治東十里

牛心山 治東十五里

白蓮臺 治南十里

白雲山 治東二十五里有白雲庵世傳宋遣胡尚書訪張真人不遇焚詔于此



魚龍山

治東五十里形如龍象山洋：赴之如魚

雙山

在魚龍山左其右真南鎮王僉憲李孝廉發焉

大成山

治東南四十里世傳孔子經宿于此有古碑

白楊山

治東北層巒疊嶂羅布如星山麓有寺：前

峯門山

治東巨石壁立低視衆山

聖水山

治北山上有泉旱不涸澇不溢

瑞雲山

治東五十五里昔有鄉雲上旋

寶珠山

距瑞雲山五里上有寶石如珠

五寶山

距寶珠山東南十里五石如寶昔人曾據遊

琴山

治北五里橫亘如琴

孔雀山

去寶珠山東十里世傳有孔雀棲焉土人鑿

重石山

石象之故名山云

鰲魚山

治北二十里有伏龍土神祠

獅子山

治北三十里一名道林

三轉山

治北三十二里僧無際修行于此課功三轉

金船山

天明故名

迴龍山

治東北三十五里

崙峯山

治東四十里

王峯山 治東一百里

龍尾山 治東北五十里

雲峯山 治東南五十里北折桂鄉亦有此峯

寒坡嶺 治東八十里

岳山 治北二里

香雲山 治南十里岩石峻嶒山頂夷廣有石池水汲之煮茗甚甘又號梓潼寺

金花山 治南二里秀石疊聚如花

安泉山 治南三里有賈島墓

挂鐘山 南八十里形如挂鐘

帽盒山 治南八十里端偉俊麗有冠冕珮王之象在三聖寺下

大雲山 治西三里延袤聳狹勢若卧龍宋馮山書屋在焉

金華山 治西五里上有黃石如羊

五龍山 治西二十里五峯蟠聚如龍有真武閣

五塊石 治西南五里彭翰林墓山之頂有石碁列惟五

剪刀石 治南十里寶相山脉之崗兩石相合形如剪刀

馬蹄石 治南八十里挂鐘山左有石上馬蹄跡十餘樵人鑿去旬復合世傳張桓侯提兵過此

隄江石 治南八十里三聖寺黃珏里居金魚水口橫亘如隄在黃氏祖塋前一里

印星石 治西十里蟠龍山脉右支脊有石方嶷若印

虎巖洞 治南五十里香雲山之北宋杜孝嚴讀書處

華巖洞 治東八十里洞橫直四丈許高三丈有古相

天然洞 治西南三十里洞橫十丈直七丈許不經人鑿故名

龍溪 原發香雲山下濬繞全治

岳陽溪 城南環繞學宮經流百里入于涪江

度溪 治東五十里

苦竹溪 治東二十里其勢濬迴水清冽僧無際種苦竹成林故名

魚龍溪 治東四十里即魚龍山下經流之水

龍歸溪 治東五十里溪皆石水激之其聲錚然

清流溪 治南七十里由魚龍分派下通資江

鴛鴦溪 治西十八里兩水交合故名鴛鴦

通賢溪 治北三十里南北通津上有通賢館

疊山溪 治東五十里羣山疊聚二水流繞

紅土溪 北二十里梁土青黎此土獨赤三里許

三元溪 岳陽溪下築堤曰三元上石壁有化龍也刻

石井天池 治南六十里古稱井水清而鳳鳴池蓮開而龍化水不常清蓮不常開

龍泉井 在龍泉山泉出石竇冬溫夏寒

破石井 在城南世傳為陳搏相地所鑿

東井 治東一里泉味甘潔雖旱亦溢

蕭氏井 城南一里世傳蕭氏劉文龍妻也微時常躬汲于此

觀音井 城西一里東林觀音閣之下

龍王井 在東林龍王祠右

仙井 東林北一里許

聖水井 治東南四十里在大成山絕頂

滴水泉 治東南八里水自山頂岩穴中流出

凉水泉 治南十里水出岩下灌溉一方

釣鰲潭 在三元堤下翰林洞上中產巨鱗潭上垂栢如綸近水若釣鰲狀邑令修成勝槩以培風水

響水潭 治南二里即岳陽溪上流上下皆石水觸之其聲如金如鼓其洩如倒其澄如泚

三龍潭 一在西七里梯雲橋下一在北四十里九嶺崗前一在流湖鎮兩岸有石小洞中有鴿

數百巢焉或曰昔龍化之所

二郎潭 治南七十里水清冽數丈許上有李冰廟遂

按岳據蜀西北之樞山水明滙地脉敦龐故生其間者士雅秀而文民樸而多壽

形勝

方輿志云普之秀以石普慈志云縣境介萬山間今治實居普州地之下多石磅礴敦厚連結為一與

眉水閣山並稱隣資遂昌簡為蜀一隅疊嶂層巒呈  
奇獻秀左峙雲臺右拱鐵峯前帶龍江後枕鳳嶺足  
稱保障焉然地為三川介藩八路捷徑捍禦之方尤  
在德不在險也

疆域

東西廣一百八十里 南北袤二百二十里

東至大足縣界一百三十里

南至榮昌縣界一百五十里 又內江縣界一百里

西至樂至縣界五十里 西南至資陽縣界七十里  
資陽縣界八十里

北至遂寧縣界七十里 西北至遂寧縣界八十里

東至大足縣一百九十里 東南至榮昌縣二百二十里

東北至安居縣一百六十里 南至內江縣一百八十里

西南至資陽縣一百八十里 西至樂至縣一百里

北至遂寧縣一百二十里 西北至中江縣三百五十里

至潼川州三百八十里 至四川省四百七十里

南京水程六千七百八十里 陸程四千六百八十里

北京水程一萬三千五百五十里 陸程五千四百里

按唐宋間普州區域甚廣安樂俱隸其中今分符

而縣猶延袤周迴五百餘里然驛驛八邑之衝  
有負窮一日之力道里之遙非邑之便也

縣城

普州舊城迤邐于鐵峯沙市外周迴六七里自更州  
為縣約週三里圍三百八十五丈高一丈八尺四門  
行南北二門東西俱閉先燹於兵火成化元年知縣  
程春震仍舊地伐石築之正德間知縣張溥利本堅  
萬層間知縣李奇英皆重修之

縣池

由南轉東及北皆藉溪為之由北轉西至南皆經溪  
鑿而成

街市

街有五 東在城外岳陽溪 南在城外鐵峯之麓  
西在東林 正在城內 北在化龍橋

市有三 沙市在治北一里 雲歸市在治南六十里  
一在金橋之右

新市 每月初一二三集北十五六七集南明知縣李奇  
英增之補稅

場

- 千佛寺場
- 何家場
- 白岩鎮場
- 熊銀山場
- 王家場
- 周禮場
- 李遠然場
- 化龍橋場

木門寺場 常家場 石羊場 師家場

大山寺場 復溪舖場 袁坎場 余家場

東溝場 于大官場 劉廷尚場 花古莫場

石板場 國清寺場 蒲永興場 流湖舖場

徐家場 孫家場 界牌場 羅大實場

梓潼觀場 土主廟場 走馬嶺場 清流鎮場

清香寺場 王廷仕場 小安鎮場 聶家場

常家場 李遷春場 張崇興場 徐家場

申明亭場 羅漢寺場 周正義場 周尚岳場

李家場 小胡場 但家場 張存學場

饒豆恭場 李一元場 馬家場 晏家場

鎮

張康鎮 縣東八十里 小安鎮 縣北六十里

普康鎮 縣南五十里 石羊鎮 縣東一百里

茗山鎮 縣東七十里 龍臺鎮 縣東六十里今為

姚市鎮 縣東北五十里 流湖鎮 縣東三十里

米市鎮 縣東南三十里 清流鎮 縣南四十里

石桐鎮 縣南八十里 真南鎮 縣東五十里

鄉

在城附縣

附廓附縣

永康西南六十里

仁鳳東十里

長寧東十里

永豐東十里

保安東八十里

文居南十里

穎興南八里

咸通東八里

喜井東四里

茗山東六里

折桂北四里

積善東十里

龍歸東七里

同化東南四里

居化東五里

峯門東六里

鳳桂東北五十里

順化東北四里

景縣凡八

翰林洞

洞上即東城下即岳陽溪傳為陳希夷所鑿

工部樓

在城南近東世傳唐杜甫讀書其上故宋人有南樓絃誦之句

流杯池

岳陽溪有流杯池溪皆石宋彭乘鑿石曲水

釣鰲臺

在學前清流曲轉岸有古栢垂枝接水如綸

讀易洞

鐵峯山後二里曰大雲山有石洞唐李洞師

洗墨池

在城南傳為劉文龍洗墨之所水有墨色

希夷池

在治後陳希夷植蓮其

葛仙井

治東南雲居山上有葛仙洞之北有圓覺

風俗

古稱石秀其民醇樸敦厚

普慈之人有無相通憂患相恤最為近古



人士俊乂 華陽國志

冠帶之士與西省並稱 四賢堂記

敦尚禮義不事浮末 王平語

蜀一成之聚必相合力建夫子廟春秋釋奠士私語

禮名曰鄉校亦有養士者名曰山學普有二馬廄

退錄

士民之家不侈宮室不尚浮靡不為漫遊不事奇玩

衣服飲食咸有節度

市無賭博之子巷無遊妓之家鄉無遊手之民

婚姻視男女之年作配不論財喪葬依家禮

歲時亦尚迎春旬日鄉市俱擊長腰鼓為樂

晏飲以雅談為樂

農家終歲勤動計獲以急國課

民家多造綿麻布竹簟而間供蠶事故幣帛之用多

售之保寧仁壽

縣治

按縣治洪武六年知縣黃朝佐創于鳳凰山之東  
即普州遺址弘治嘉靖間知縣牛輔李湖重修

舊制 大堂 抱廳 幕廳 儀仗庫 庫樓

清簡堂

坊牌

書房

省過樓

君子居

正房

廂房

學道亭

愛竹亭

知縣廨舍

縣丞廨舍

主簿廨舍

典史廨舍

吏公廨

露臺甬道

戒石亭

東五房

西四房

儀門

角門

大門

寅賓館

五顯祠

禁獄

預備大有倉

正亭

積貯坊

土地神祠

申明二亭

承流宣化二坊

燕樓

按舊志所載衙舍頗為全盛明末盡燬于兵今僅存其名以俟修復者

屬司

陰陽學

舊云在縣治東四十步燕樓南洪武二十年訓術王忠建四方各十丈五尺今失其處

醫學

舊云在治東一百二十步洪武訓科李成建四方各十丈今失其處

僧會司

舊一在東林寺一在光照寺

學校

廟咸淳中建于縣治北岳山下宋元被闢邑人馮山

徙建于龍泉山之麓延祐兵火元至正儒士晏道昇

因遺址于草莽中構成殿廡主簿荀日新重修廟象

明洪武初知縣黃朝佐建明倫堂齋房子文廟之西

至嘉靖十八年知縣李湖主簿陳英教諭楊思震改  
遷于今山曲嘉靖二十年知縣董性畢力增建命壽  
官潘茂軒康彥邦徐刑于球董之萬曆三十年知縣  
雷春行典史向錦重修中為

先師廟舊有先師遺象 露臺 兩廡 折角廊

櫺星門 神厨 神庫 明倫堂 抱亭 兩齋

講房 燕饌厨 會饌堂 題名鴈塔 禮門

敬一亭 啟聖祠 教諭解舍 文昌祠

義祠祀前儒之 風化本原門 儒學門 戟門

訓導廡舍 鄉賢祠 名宦祠 宰牲所 泮池

杏園春馬桂殿秋蟾二坊 顏公祠 雷侯祠

三元橋知縣李高 三元堤知縣顏公 風水樓

文筆塔 射圃舊有觀德亭其地南北三十六丈

明末兵火後止存

先師正廟餘俱燼毀遺址多不可考今僅存其名以

俟修復者其

國朝重修 文廟祠廡等節略另載新集中

附錄祭祀原制

南太學志載嘉靖九年大學士奏准 文廟 啟聖  
 二祭俱同時舉行取子不先父食之義自兩京太學  
 及直隸各省府州各有定員如縣則 文廟主祭以  
 知縣 啟聖以教諭分獻以訓導近變禮者二祭皆  
 以知縣主之于子時先祭 啟聖後方祭 文廟教  
 諭止于分獻非制矣又會典凡朝祭禮官禮生以有  
 事為敬不另行拜禮先時而拜則僭後時而拜則褻  
 邑二禮多誤故附紀正之

制書 舊志所載甚多今無一存故不錄

社學 凡五

正街

在譙樓前碑亭蓋贖前官原舊與高甲地建廳  
 三間地闊二丈四尺深二丈一尺今失其處

東街

在東關外羅宅地分即順化官地今失其處

南街

在李慶德街基右價買羅銀之地橫直各三丈  
 今失其處

西街

在東林寺下原買左楊二姓之地橫直各三丈  
 今失其處

北街

即舊廟壇址截用橫直各三丈今失其處

舊社學今無一存特存其名以俟興復者

附增廣科舉議

明 李奇英 邑令

看得國家造士于膠庠而取士于科舉其恒制也邇

者地方風氣大開安岳人文丕著地雖山僻編戶二十餘里庠員三百有餘士自矜奮濯磨聯科奪錦者近來不乏獨慨幅輳遼濶于他邦而取途不侔于小邑致士圖起送若登天望秋闈如躍海扼腕遭逢紛紜請乞者也及查詢故老與現有存案嘉隆間育才不上百五十人科舉者三二十人至萬曆三年及十二年以來不過二百人科舉者猶取十二人又查附近邑分遂寧則有二十六人矣蓬溪則有十六人矣甚至中江亦十人矣安岳止減至九人是何昔之

人材少者取數多今之人材廣者取數少也邑之小者取數盈而邑之闊者取數隘也卑縣自家食而當官名不挂于科目由今邠而令岳念每懷于作人茲甫到任之初修循有司之故事嚴課諸生勉附科目則見士皆彬彬燁燁質有其文獨取額甚狹有碍進取不惟諸士之興嗟卑職不能不為之於邑也以卑職庸見風氣由塞既通王道當久必變今縱不能渡安岳之舊制亦可少做遂遂之成規縱不班遂遂之鴈行亦當趨等中江之鵬舉則諸士見蘄途稍闢茅

路重開各相淬勵不隳攻苦茹澹之初心人事詩書  
可佐棧樸菁莪之雅化諸士釋不平之鳴卑職附得  
人之義矣

### 公署

察院行臺

在北關西街舊誌載堂室甚多東西有貞肅二坊後有清暇亭前有斗池上有石坊題名蘭臺清暇今俱廢

總憲行臺

在治之右舊誌載堂室甚多今俱廢遺址猶存

布政分司

在治之前規制甚弘敞舊毀于兵火今改修為駐防公署

按察分司

在治之左今廢

州館今不可考

### 兵燹後諸制傾圮今存者以復

長濟院

舊在北關外明知縣董性建有亭有室有門凡十二間萬曆三十二年知縣李奇英奉文增

建十二間以恤無告也亦有米倉布有綿時給之無定額今俱廢

桑棗園

屬壇其在二十鄉者各一所今俱荒廢

漏澤園

明有二一在高石橋之北一在縣治北三里義塚碑今俱荒廢

演武場

在化龍橋之東踰溪明有壘有旗纛臺有塼垣有坊邑編戶為兵快者二石餘人分

左右哨縣簿帥之有中軍總隊統領之今俱廢

墩堡

舊凡二十有六今俱廢

東路有九

三面板堯觀音賴興流湖  
灌子峯門石羊孔雀

南路有六

白蓮

駱山

觀音

西路有六

五里

姚家

老君

北路有五

郭材

大佛

常家

官秩

梁普慈郡

刺史一人有郡丞治中別駕

後周

官制大略與梁同

隋安岳縣

有縣簿尉幕職各一人後仍改為普

唐普州

刺史一人有別駕治中長史司馬贊治錄事參軍

各一人醫博士

宋普州

知州一人長史一人通判一人有參軍

元安岳縣

有尹簿尉教諭各一人

明安岳縣

知縣縣丞主簿典史僧會司訓道

國朝安岳縣

歸併樂至縣知縣一人兼

坊表

兵燹後諸坊盡頽今

宋十三翰林坊

彭乘建

明正街

進士坊

為楊

方伯坊

為徐

攀龍坊

為徐

登科坊

為周

父子進士坊 為父湯佐 兄弟同科坊 為湯紹夔

京闈坊 為干瀛立 八吾坊 為彭蘭立

奪錦坊 為武大 尚書坊 為湯煥

春官坊 為孫立 進士坊 為堯卿立

肅憲坊 為李立

東街

登科坊 為李立 騰霄坊 為劉仲才立

鹿魁坊 為李立 牙繡坊 為王縉立

南街

翰林坊 為吳憲立 擬科坊 為方表立

步蟾坊 為何希賢立 進士坊 為黃珏立

賓興坊 為王昭立 鍾英坊 為孟賜立

西街

雲衢坊 為曹良立

北街

凌雲坊 為宮昶立 觀光坊 為謝恩立

鳴鳳坊 為楊春立 椿桂聯芳坊 為張謨張斗立

翰林坊 為彭世爵立 迎恩坊



孝義坊為李遇中立

旌表孝行坊為李遇中立

學左石坊為明進士竇可進立鏤刻精工遇變未經標題今存

水利舊志載通縣原額並新增堰塘共六百一十有五今不可考存其數于左以俟修復

在城三十附廓三十永康三十仁鳳二十

長寧三十永豐三十保安三十文居二十

賴興二十咸通十喜井四十茗山四十

折桂二十積善二十龍歸二十同化二十

居化二十峯門二十鳳桂二十順化三十

以上塘堰皆闕名舊志止稱永康文居賴興皆有千工堰又有白馬石牛山溝等處餘俱無考

鹽利

宋鹽井三十有八歲煮鹽二十二萬九千餘觔

明初鹽井二十有四歲入課九百五十七引一百六

十九觔一十三兩二分八厘折徵銀七百四十七

兩一錢一分八厘八毫五絲一忽

舊井

高黃 朱福 廟泉 丘家 宋家 邵家

余家 王家 川李 喜井 崖屋 懶筒

上寶珠 下寶珠 關家 玉池 茅埧 董家

董磨 龍潭 護筒成化間變筒以下拆入樂至大成 崖子

和尚其灶戶五十有九其管轄分隸仙泉富義華池黃市通海五鹽課司

明萬曆後歲入課一百八十一引十觔八兩八錢折

徵銀二百三十六兩三分舊井初開時鹹脉盈溢

天順後脉減民逃無井償價謂之乾賠當道憫之徵如前數

新井三十有四

小鬼塘 金鷄 樊家 金龜 栗林 爛泥溝

兩河 滴水 岩谷 樓門 珠林 天王

張家渡 五峯 戴家 長席 椶桐 茅埧

千工堰 石王 柘林 馮家 石板 昌港

麻柳溝 杜家 清流 葉家 普照 石橋

土井 立福 廻龍 水磨

岳井久廢俱係乾賠明正統間止有灶丁六七十名

每年賠課三百二十四兩有奇又因通省失額以岳

糧加增銀三百八十兩零以補通額遂致灶丁逃亡

知縣李奇英詳訟飛增之銀止徵原額甦二百餘年

窮灶之積困奇英之功特傳云因附詳于左

知縣李奇英督同僚屬會集本縣儒學師生及五街鄉約耆老並二十鄉里排與灶丁陳萬榮等到

官帛取益冊前來逐一查議得鹽課之設肇自國  
初冊載井限權辦課銀此一一定之制豈容隱悖及  
捧讀各項創案行查并眼之坦塌灶丁之存逃又  
別木味之鹹淡以推評凡此救端無非體恤窮灶  
之德意也今安岳與國山瘠土瘦民貧果爾鹽課  
一端深為民病查閱益冊本縣實有朱福廟泉灶  
籍井限冊于正統年間而垣廢止有灶丁陳萬先曹  
萬榮陳明等每年乾賠課銀三百二十四兩八  
錢八分三毫二絲五忽又因通省失額蒙委岳池  
張知縣送寧道知縣前來本地踏勘未察乾賠之  
苦惟取課之盈又以前來增銀三百八十八兩  
六錢六分二厘六絲七忽五微以補老額遂爾倍  
重灶丁之亡無子孫者有稱本分乾賠之署外  
又苦重之訴也前令查處先該本縣署分五  
幸川門外陶名肅以助家灶誠恐每石包銀一分五  
厘二毫六絲八忽以助家灶誠恐每石包銀一分五  
久遠今欲再議各外以助家灶誠恐每石包銀一分五  
銀兩定似難開除字樣

民命孔急財用空虛將何應派措補彼此斟酌躡  
躡委不能為貧灶畫一甦生之策也詳請俯念貧  
灶倒懸推廣節行德意將原額老課三百餘兩照  
舊乾賠追解其岳遂兩知縣所推派者量行豁免  
則人心安于額之舊而乾賠之苦少得息有又得  
免于新之難而控訴之門庶乎閉塞不然而原課  
不敷洒復至派之灶戶則乾賠且不忍言何况  
重複一兔二皮不可訓也派之丁糧則問里盡為  
蕭條安可加增牽羊補牢誠非便也灶戶怨而訟  
顛連困苦之狀積案盈耳斯時欲求別策以甦訟  
則公帑無私貯何以為  
推廣德意之一助哉  
郵傳之今幸大道不通猶樂郊也

明邑無傳其夫馬之供遍于他驛者凡三十  
皇華驛

雲谿驛十有二五城驛六正馬一  
匹編夫四名分季應差今皆無

舖舍

凡十有四舍燬于兵燹而舖址猶存

縣門舖

在縣左今為民房所佔矣

東去大足縣界

石橋舖

里十觀音舖里六流湖舖有十五里明

社倉 峯門舖里十五

雙溪舖里十五

石羊舖里十五孔雀舖里十

西去樂至縣界

鴛鴦舖里二十

黃葛舖里十五

北去遂寧縣界

廟子舖里十

石玉舖里十國清舖里十三三清舖里七

橋梁

舊志脫葉失載甚多兵燹後傾圮殆盡名皆不可考姑紀其耳目所聞見並舊志殘葉所載者其今日重修諸橋詳記于後

高橋

東三里

普濟橋

東四里

雙溪橋

東五里

龍歸橋

東六里

石羊橋

東七里

觀音橋

東七里

以上六橋

明知縣

李瑚建

高石橋

南關今修

文興橋

北門轉東

迎恩橋

北三元橋

外今圮

流河橋

西十里

明康彦邦

觀音橋

東北十五里

明官

石橋

東十里

舊五里橋

今西五里

岳慶橋

東十五里

今重建

七里橋

北七里

明修制高濶

康熙二十六年

丁卯夏

捐俸修之以虛高易摧敗制從卑堅有記載新集

梯雲橋西七里宋紹宗二年建明知縣李奇英重修

士捐俸修之高磴為板橋覆以黃板橋今補修

瓦亭較舊制濶且堅有記載新集黃板橋今補修

廣惠橋東八里跨渠接溪大有記載新集龍橋北二十

通濟橋南五里今皆重建有碑化龍橋南關今補修

仁里橋南八里孟家橋今補修國清橋北三十五里工

周家橋在周禮場縣南田家橋東五里板橋亭今創修亦

按岳境橋梁甚多除失名無考難以備錄外尚有

存地有名及現行修理而採訪未及者不能具載

殊為歎事統俟詢查補入新集可耳

### 戶口

按唐宋史載戶口詳不可考宋變民無孑遺圖籍

亡矣延祐以後流寓于是者僅七十家迄于至正

亦祇編戶八百繼以明氏之擾輒復凋敝明洪武

初招集四方之人來居之至洪武十五年戶始盈

千口乃滿萬歷永樂正統景泰天順至成化二年

始分樂至成化九年除拆入樂至外冊載戶二千

四百一十有七口四萬八千五百有二十又歷弘治

正德嘉靖至隆慶五年冊載戶四萬四千三百五

十口七萬三千二百六十至萬曆二十九年冊載

戶三萬一千二百四十口六萬二千三百二十其

### 田糧

數已縮大約凋殘之漸已自此始矣天啓崇禎無

考至崇禎末年疊遭凶荒兵虎之劫而烟火一空

矣其詳及

國朝戶口另載新集

按明官民田地一千一百四十九頃四十九畝  
 分一厘原額稅糧一千六百四十九石五斗七升九  
 分六厘內除沒官糧一百四十一石九斗五升六分  
 分別各該起存綿花七百一十一石九斗五升六分  
 重○萬曆九年奉例清丈過官民田地基園各項  
 共二千九百四十三頃一十畝四分有零以  
 每歲所入有三熟兩熟一熟之異分上中下起科  
 ○萬曆十三年奉例清查未確邑民龔大憲劉應  
 魁奏勘復

上中下田 每百丈 糧二百丈  
 基園平地 每百丈 糧一百丈

山坡熟地 每百丈 糧四百丈  
 山坡石骨 每百丈 糧一百丈

按明寧紹漢以罪沒官田地九頃二畝零該  
 糧一萬四千一百一十石零徵銀五十六兩八錢  
 解復以採辦之名徵派累民知縣李奇英詳請開  
 除附詳于左李奇英查看得寧紹漢官糧一百四

十一石五斗五升六合折銀五十六兩六錢零原  
 係二抄九撮之數編入賦役書冊逐年納解無容  
 增減所差錯者因本縣前任王知縣誤看官糧已  
 空一十載補追一年以前舒衆恣解獲批迴在卷  
 自是疑案不能結局以後年分屢催無完至三十  
 年又奉牌催後任雷知縣始知前追之銀實係額  
 外之納具詳內稱若追紹漢之家伊稱現納五十  
 六兩完在縣額似難重派倘加通縣小民紛訴  
 擾俱稱額外加增申詳請豁未經免結今卑職會  
 同僚屬招集士民逐一評諭前項官糧業已入縣  
 額矣茲又以採辦之名而加之紹漢是征之外又  
 征也甯氏之子孫何堪縣糧已有總額矣茲又以  
 補追藉口而派之花戶是額之外又添額也二十  
 鄉之百姓何忍故在紹漢之門委有重料之苦在  
 各鄉之額既實為不經之征也大門委有重料之苦  
 人承國額既有成規探辦所當查豁不然賦愈煩  
 則民愈困紛具訴何以障之卑職謂宜照丈量

事例府州縣治止補原額不許額外虛增又照欽奉勅諭事例丈量如有短縮弓步虛增田畝許令改正今甯紹漢官糧招斷重叙亦與二例相合應當豁免其採辦之銀其官糧銀五十六兩西通年仍附民糧冊籍追徵與前項款一體起解庶錢糧有所定額事體實為畫一矣

學田

明嘉靖四十年知縣李緒買縣民羅進魁田一段一田

十四地折二畝地四塊折畝七分五厘載糧一斗三合坐落城東梓潼觀坎下

萬曆十五年知縣張執中買縣民胡堯清田一段八田

折一畝地一塊折一畝四分載糧一斗三合三勺坐落城東八里溝胡家坎

萬曆三十六年四川監察御史趙批允本縣犯人陳

本樂沒官學田一段田二畝折畝三分九厘地二

一合坐落大東路常家庵

物產

按舊志分門縷列有食貨之屬蔬果之屬竹木之屬花草之屬藥材之屬羽毛之屬鱗介之屬昆蟲之屬等類似為詳盡然細閱之則纖悉猶多所遺而繁曠已覺厭目今約計之大抵百穀皆產而水稻尤多然田襟山隩水無本源一遇亢暘即苦不收土瘠民貧毫無積貯菜色鳩形所時有也土產

所饒者首推綿花線布耳麻葛間有而不多蠶桑  
 方興而未盛雞豚之利其細已甚馬牛之畜亦不  
 甚蕃林木茂而栢尤佳然不通河道皆棄材也藥  
 材無甚貴之品異類皆尋常之物故寧剛繁就簡  
 略紀梗概焉○舊志載明正統間邑有高僧無際  
 卓錫道林寺時出二異鳥一呼阿彌陀佛一呼佛  
 現聲甚清亮逼似人言雖近怪誕然靈異之事世  
 亦常有附錄于此以備好古者之博覽云

修志姓氏

仁和鄭有章先生

桐城姚西疇先生

貴池程省齋先生

三韓馬蜀江先生

武清黃定菴先生

西泠徐宏緒先生

鄭佳

郎州鄭珙共王育



桐山姚孔鑛南賓甫

秋浦曹 珏玉符甫

陳之怵虞南甫校正

樂安兩邑紳士耆舊採集彙叙

後學少居周于仁仙山氏編次

子嵩岳中

崑崙玉校字



